




KAVAMALIQINIRNUT NAINAAQHIMAYUQ

Una Lupin Uyaraqtarvik (Lupin uuminngaluuniit Lupin Uyaraqtarvik uuminngaluuniit Havagvia) huqpaniittuq 285 kilamiitasiyungnaqhiyuq (km) hivuraa kivataanit Qurluqtuq, iluani Qitirimiut Aviktumiani Nunavunmi nanminiriyangillu Lupin Uyaraqtarvit Timigutaa (LMI), tamaat nanminiriyauyuq, naitqiyauhimayuq haffuminngat Mandalay Resources Kuapuriisan-kkunniit. Hamna nunap iluaniittuq hauvikhangit kulu uyaraqtarvik aulapkaihimagaluaqtuquvanngat 1982 mit uvanngat 2005 mut umikhimallakhunilu huliidjuhikhat ukunani Ubluqtuhinia 1998 mut unalu Qitiqqautiyuq 2000 milu, uvanittauq ukunai Niqiliqivik 2003 mit unalu Qiqailruq 2004 milu. Una uyaraqtarvik aullaqtiqhimavluni auladjutingit uvani Qiqailruq 2004 mit uvanngat lidjiruvia 2005 mut. Uvani 2005 mi, Havagvia Munariyauvluni Ihuaqhaqtavakhunilu hulinngittunil uyaraqtarviunngittuni talvanngaanit.

Una aturnaqtuq ilagiyangit haffumani umiktukhaq uyaraqtarvik pidjarikhiyukhauyuq havagvia utiqhimayukhauyuq qanurilingahimayauyuq taamna hapummiyukhaq aanniaqtailinahuarlugit qayagihimayukhaq Nunavut nunaqatigiiktunut unalu avataita haniani Lupin Uyaraqtarvik. LMI malittiaqhimayangit pidjarikhiyukhautauiyuq taimailiqattaqhimayuq ukunanngat upalungaiyautikhangit haffumani iniqpiaqhimayumik Kinguani Umiktukhaq unalu Halummaqtukhat Upalungaiyaut (Upalungaiyaut) haffuminngalu ihuaqhaqtukhauyuq haffumani Lupin Uyaraqtarvik ihumagiyauiyut pitquhituqangit atuqpagaat nunap maniraa Inuinnainnut. Ilaliutigiyangit iluani titiqqanmi hapkuanguyut:

- tamatkiumayangit haffumani LMI unalu inikhautikhangit iniqpiaqhimayumik utiqtiiffaarnikhanut
- una pitquhituqangit haffumani havagvia unalu utiqtiiffaarnikhainut iniqhimayukhat ublunganit
- una tukiliutaa haffumani kiglinnarmi (uyaraqtarviutinnani) avataita qanurilinganingit
- una tukiliutingit haffumani uyaraqtarvik aulattittiningit unalu atuqhimayangit havagvikhangit
- una tukiliutaa haffumani atuqhimayangit avatiliqinirnut qanurilinganingit
- hamna tamatkiumaningit haffumani pivalliaqattqhimayut utiqtiiffaarnikhainut unalu ilagiyauyut inirutaanit aulattittinnikkut huliidjuhiit
- tukungit haffumani umikpiarutaanit unalu utiqtiiffaarningit huliidjuhiit haffumani uyaraqtarvik ilaliutiyangilluuniit ilagiyauyut:
 - umigutaanit hivunikhautikhat
 - tukhiutigiyangit utiqtiiffaarnikhainut huliidjuhiit
 - upalungaiyautikhat
 - avatiliqinirnut qanurilinganingit unalu ihivriurnikhainut haffumani iniqpiaqhimayumik utiqtiiffaarnikhainut inungnut avatingillu aanniarniurutingit
 - ilagiyauyuq maniliqinirnut akiliakhat



Iluani ilagiyangit, LMI tunihimayangit aallatqiinit titiqqanit ikayuqhugu haffumani FCRP ilaliutiyangit tukiqaqtumik avguinikhanut haffumani qauyiharnaqtumik unalu ayuittumik naunaiyaivikhat (haffuminngatut, Nutaannguqtqihimayuq Ilainnaa I unalu II Avatiliqinirnut Havagvia Ihivriurnikhainut).



Una malikhimayangit ilittumikhat ilaliutiyangit haffumani FCRP:

- 1) **Maliguarutingit Havaariyauyukhaq** – Una nanminiriyangit ilaliutigiyangit tallimanit ilagiyauiyut uyraqtarviuyut akikhangit pulahimayauiyuk 6,758 hiktaastigut (ha) uvani kavamat nunaqutait. LMI munariyangit uyaraqtarviuyut akikhangit malikhugit hamna *Nunallaangit Nunat Maligaq*.

LMI tadja munarivagaat Tukinga A Imaq Laisia 2AM-LUP1520 (Imaq Laisia) uvunga Lupin Kulu Uyaraqtarvik. Una Imaq Laisia aturnaqtuq uvanngat 18 Niqiliqivik 2020 naammagiyauiyut. Una FCRP tunihimayauiyuk uvunga Nunavut Imaligiit Katimayit (NWB uuminngaluunil Katimayit) atauttimuqhutik ukunangat Ilainnaa I, Naunaitkut 6 haffumani imaq laisia 2AM-LUP1520. LMI hapkuanguyuk, turaaqtaaqhimayauiyuk haffumani FCRP, ilagiyauiyuk ukunani Ilainnaa I, Naunaitkut 7, ilaliutigivluniuk Katimayit titiraqhugit angiriqhimaningit pinahuaqtangit nuuvikhangit uvunga Kinguani Umiktukhaq unalu Halummaqutukhat ilangani haffumani Havagvianut.

Una FCRP upalungaiqhimauiyuk kiglikhaanut tadja havagvianit qanurilinganingit ilaliutihimayangillu hivunikhangit hulidjuhikhangillu tamatkirvikhangit umigutaanit unalu halummarvikhangit Havagvianut. Angiriqhimaninga, una FCRP himmauhilaqtangit atuqhimauiyut ICRP.

- 2) **Nunaryuanut Hivunikhangit** – Hamna hivunikhaliurutikhangit hivunikhangit hivumuarutigiilluunil haffumani Upalungaiyut utiqitfaarialik Havagvia unalu ihuulutauihimauiyuk nunat ihuaqhaiyukhat unalu, humiliqaak ihuarnaqtumik, inmikkut-aturnaqtumik avatiqaqatigiitkut naammagiyauiyuk imaa aanniarnaittumik avatikhangit unalu inungnut hulidjuhingit. Una tamatkiumayangit umigutikhaq hivumuurutikhangit ikayuqtauihimauiyut ukunangat pingahut umigutaat hivunikhautikhangit haffumani Havangnaqtumik Ayurnaittunit, Qayangnaqtumik Ayurnaittunit unalu Hivunikhautit Atuqtakhainit unalu pitquhiriyangit hivunikhaliurutikhaq tamainnut ilaliutingit haffumani Havaaq.

- 3) **Nunap Qaanganiittut Avatingit** – Una nuna haffumani uyaraqtarvik havagvia haalukkaanguyut maniraa, nuna maniraaniittuq Nunavunmi. Naqitautikkuuqhimauiyut taimaa haalukkaanguvluni nakiqtumi nauhimaaqtanguyut taimaa manikhimauiyuk ihuarivluniuk nunatigut qanurilinganingit. Ilangit hakugitqiyauiyut aallatqiinguyut nayuqpaktangit naniyauiyut tamainnut iningit ilaliutigiyangillu qulvahiktumi nunami taunanilu maniraanit, kiniupayumi mayuqqalgillu kinginngittumik.

Hilaup iluani aviktuqhimauiyuk tukiqaqhuni uuminngat ilainnaatigut -nakuunngittumik ilainnaa ukiuqtaqtuq, ukunangat atuqattaqtangit ukiungani hilaup kiniupaninga hapkuanguyungnaqhiyuk 300 milamiitastigut takinia (mm). Niqiliqivik kinitqiyauiyut tatqiqhiutigut hapkuanguyungnaqhiyuk nipalliqpakhuni 59.8 mm takinia. Una ukiungani hapkuanguyungnaqhiyuk niklaumaninga hapkuanguyuk -10.9 niklaumaninga Salsiastigut (°C); Taaqhivalirvia uunnakpalliauyuk tatqiqhiutigut hapkuanguyungnaqhiyuk niklaumaninga 11.7 °C, taimaattaup Ubluqtuhinia niklatqiyauiyut tatqiqhiutigut nalunaitkutaat hapkuanguyungnaqhiyuk -29.7 °C.

Una Havagvia huqpaniittuq maniraaniittuq kigliani haffumani Kaniitian Uyaraliaryuangit, nunaa taimaraaluk auktuumiuyittuni. Maniraa qanittuuvluni Havagvingmi nakiqhuni taunani akhalukattarnaqtuq, puqtuhilaanga uvvauyungnaqhiyuk 470 unalu 505 m puqtuhinia. Amihuuyut ikkattuuvlutik tahirat qurluamingillu tautungnaqhutik tamainnut nunami.



Tamatkiunngitkaluaqtangit haffumani Havagvia takunnaqhunilu qaiqturaaluit qaangani, naunaiqtauhimavluni "nalunaitkutauyuq" nunaa ilangani nunap maniraa. Tahapkuat "nalunaitkutauyuq" ilitquhiita ilitquhimayauyuq nalunaitkutat takunnaqhunilu nalunaittuq hiku- qiqhuqhimayauyut uqumaitpiaqtumik uyaqqat attautimiutauvaktut taimailiyumagamik-naliriqhimayuq unalu haniani-haattuq. Una qiqumania ingutaalaaqtuq kikkariktut aallatqiinguyut aadjigiinngittut hiamihimavlutik kikhittutiktat. Ahivaqhimayuq kikkariktut upautihimayangit nalunaittuq hamna angiyaaqtuq hikuinnauvluni.

Tahiryuarmi angitqiyauvluni imainnaq iluani aviktuqhimayumi, qaanganiittuq nunaa anginiqhauyungnaqhiyuq 95,900 hiktastigut (ha) nit qurluaqhimayuqtaut 8,000 kikkariktumik kilamiitastigut (km²). Tahiryuarmi malrurnik ikirahalik iluani Qingauk Kuugaa,qurluaqpkhuni tununnga uataanit kinguani tahia Qingaungmit, unalu Hanningayuk Kuugaa uvani hivuraa kivanmit kinguani tahimit, qurluaqpaktuq ilanut Nunaturlimut. Nunaryuangit haffumani Tahiryuarmi tautaniraaluk kivataanit tununnganit uyaraqtarvik havagviamittuq. Tununnganiittuq haffumani uyaraqtarvingmit, ilainnaa haffumani tahia tahilaaqtuq uataanit hivuraanut, naittumik kangiqhulik (Sun Baymit) taunaniraaluk uataanit haffumani uyaraqtarvik havagvianit.

Una imarmiuttat nayuqpaktangit tautunngaqtigtut avatiliqiniq qurlurningit haffumani imaiyarvingat ilaliutihimayuq pingahut ikkattumik tattiit, malruk qurluarningit (Seep Kugaa unalu Aallik Kugaa), malruk ikkattuk tahiraak, unalu malruk kangiqhuuyuk nuna uvani Tahiryuaq (Iluani Hilataani Sun Baymit). Amigaittut tattinuat tahiraillu qiqivaktut ataanit ukiumi. Ukiumi qurluattiraangat, tamarmik Seep Kugaa unalu Aallik Kugaa qiqivaktut ataanit ukiumi. Ihumagiyaugaangat, ukiumi nayuqpaktangit iqalungnut ikivalliavaktuq uvannat Hilataani Sun Baymit tamatkiumayangillu Tahiryuaq.

- 4) **Tamatkiunmayangit Uyaraqtarvik Auladjutingat** – Una Lupin kulu uyaraqtarviuyuq huqpaniittuq uvani Uyaraqat utuqqaryuanguyut uuhimagaluarmat kuluqarnirmi haffumani Tahiryuaq Iltturningit, ilagiyauyuq Yalunaip Anginiqhautaanit ilagiyangit haffumani uyarak uuhimayutut aallauyuq qaiqtumi unalu nuna uyaraita uutpiaqhimagaluaqtut qangaraalungmi uvani Uyaraqtarviuvaktut Nunallaami. Uyarait hivunigiyaavaktut tamarmik aviktuqhimayumi unalu turaaqhimayangit nunap iluani unnakkaluaqhimangmat amihut ilagiyangit haffumani hiqupluqhimaningit ahiquangillu. Una qaliriqhimayut uyarait uvani Havagvianit ilaliutihimayangit amiakkungit ikitqiyaanit aallat uyarayuat utuqquyut uyarak, hanaugakhat, hiurat uyarannuqhimayut, qiplariktut, ipikpiaqtut unalu qiplarikipiaqtut hapkuanguuvluni qakuqhivyaktut uyarak.

Una Lupin uyarak ilaliutihimayuq haffumani Qitqani Kigliita, Kivanmi Kigliita, Uataa Kigliita unalu L19 Kigliita, tamaita ilaliutauhimayuq iluani aturaaqpagaat, imulaaqhimayutut ittut, mayuqqat puqtuyut havigaligaqtut iluani Tahiryuaq Iltturnia. Una ilaliutaa malikhimayangit haffumani tahnia haffumani 3,000 m unalu mayuqqauyuq tahnia haffumani 1,500 m.

Hivunngani uyarak iltturninga naunaiqtauhimayuq uyaraaluit uyaraqtarviulaaqhuni arvinilik ukiungani auladjutikhaanit, taimaa ihumagiyaavvluni pivalliyukhaq amiakkungit haffumani malruk milian taansnit uyararnik ukunani hauvikhangit tiliuqhimayuyuq pivalliyukhat haffumani 950 taansnit ubluq atauhiq.

Uvani Niqiliqivik 1980 mi, ihumaliuqhimayuq aulapkailugit pivallianikhainut hanayaulunilu haffumani Lupin Uyaraqtarvik. Igiauhimayut uyarait aulapkaithimayuq hamannat pivallianikhainut haffumani nunap iluani havaangit atuqtauhimayuq hanayauhimayuq allarutikhaq avataaniittuq haulvik apqutitluqhuqillu. Uyaraqtarvik tiliugaa ilavaluit tingmiakkut agyaqtauvakhuni havagvingnut. Una agyaqtauhimayut haffumani havaktut havagvingnut iniqhimayuyuq ukunani Convair 640, taimaa tigumiaqhimayangit tamatkiuningit haffumani 7 milian uqumaidjuhianit pamautikhangit hurulaaqtunit ihuaqhaivikhangillu igluliqtunut.



Una Lupin Uyaraqtarvik aulapkaqhimayuuq uvanngat 1982 mit uvunga 2005 mut nutqallakhimagaluaqhuni lu huliidjuhanit uvanngat Ubluqtuhinia 1998 mit uvanilu Qitiqqautiyuuq 2000, uvanilu Niqiliqivik 2003 unalu Qiqailruq 2004 milu.

Hamannat 1983 mi uvunga 1993 mut, una Lupin Uyaraqtarvik havagluaqhimayangit amihunit haffumani aallat ankilikitirutikhaanit auladjutikhangillu angikliktiqhimayukhaq auladjutikhanut uyaraqtarviuyuuq unalu haulvikhaat inikhautikhaanut uvunga 2,300 taanstigut uqumaidjuhia ubluq atauhiq. Hamna hivunigiyangit auladjutikhanut ikaarvikhaq hauhimayauyuq malruk avalittumik huliidjuhingit uvunga kingulliqaangat haulvinga haffumani 1,210 m aktilaanga qulaanit unalu utuqqauyumik kivitvikhaangit ilaliutaanit ihuaqhiyahimayuuq ilauni ilaliutivikhami. Uvani Qitiqqautiyuuq 2001 mi, hamna auladjutinga ihuaqutinga atiliulihaaqhimayuuq ukunannat 1050 uuktuutlaangat unalu 1340 uuktuutlaanga. Una igluqpaqarvikhaiuqtukhat taimaa halumaiqitpagaat ataaniittut uuktuutinga haffumani hiqvlurut turaaqhimayavulunilu nakuutqiyamik, ihuaqtumiglu, angikliktiqhimayumik hitinia, unalu inuudjuhia, unalu uyaraqtarvik. Una -15% nungutpalliatuuq tuinga, uuminngaluuniit mayuqqangit, aturnaahuni ingutaapaktuuq ingilrutikhaq inikhautikhaat tamainnut uyaraqtarvik uuktuutigiyangit, tahilaahimayuuqtauuq hamannat qulaaniittuni uvunga 1560 m luuktuutlaanga. Una ataaniitqiyauyuq pivalliahimayuuq uuktuutigiyangit iluani uyaraqtarvik uvaniittuni 1550 m puqtuhinia. Uvani Ubluqvira 1994 mi, uyaraqtarvikhangit iniqhimagaluaqtuuq, taimaa nunap iluani hauvikhaulluamaqtuuq taimaa naililaaqhuni qaffiuningit imaiyarvikhaat taimaa hamna imaiyarvikhaq ilaliutikhangit Iningit (TCA).

Una uyaraqtarvik aullaqtiqhimavluu auladjutingit uvani Qiqailruq 2004 mit uvanngat lidjiruvira 2005 mut. Hauvikhangit tamainnut uvani kinguani auladjutauhimagaluaqhuni, Qiqailruq 2004 mi uvunga lidjiruvira 2005 mut, qaffiuyungnaqhiyuq 1,200 uqumaidjutingit taansnik ubluq atauhiq, aippaanganianit. Havaktauhimagaluaqtuuq nutqaqtauhimayuuq uvani 2005 mi; tahamani Havagvira munariyavulunilu ihuaqhaqtauhimavluu. Uyaraqtarviunngittuuq qangannguqtumi.

- 5) **Ahivaiyaiyut unalu Ingattaqhittailinahuaqtangit** – Una FCRP upalungaiyaqhimayangit haffumani kangiqhuutingit tamaat uyaraqtarvit iluraiyangillu ilagiyangit una Lupin Uyaraqtarvik Auladjutaanit ahivaqtauniaqtuuq, ungavaqtaulunilu, uuminngaluuniit utiqtiqhimalgut malikhimalugit uqauningit haffumani nunat atuqhimayangit unalu atauttimuqhimayauyut ukunani utiqtiiffaarialik kiuvikhainut turaaqtauhimayuuq iluani Imaq Laisia.

a. Uyaraqtarvik Havaangit (Nunap iluani) –

Una Lupin nunap iluani havaangit ilaliutauhimayuuq 1,210 m naliriqhimayuuq ikaarvinga unalu hakuiminga hinaa, uuminngaluuniit mayurvinga, hitinia haffumayuuq 1,560 m. Una tugliriyangit katilvikhaa (Uyaraqtarvik Katilvia) iluraihimagaluaqtuuq uvani 2001 mi taimaa katilvia itiqtiqvira hammauyuuq 1,340 m. Tadjia uyaraqtarvik hitinia 1,550 m. Malruk aallat ikaarvingit angmaumayuuq qulaanngat halumayumik anuri puqtuhivaktuuq unalu qingaa puqtuhivaktuuq. Auladjutauhimayuuq iluani nunap iluani hauvikhaq hannavingit, una alruyaqtulivik unalu hivulliriyangit hiquplurvik. Una uyaraqtarvik katilvia unalu nunap iluani uyaraqtarvik ingniqutaa unguvaqtauhimayuuq havagviannit una uyaraqtarvik munariyaulraaqhugu ihuaqtaqtauniaqhugu uvani 2006 mi. Tamaita hivuuranaqtut ahivaqtauhimayuuq hamannat nunap iluani havaangit. Ingniqutit ikhinnaqhimayut (igitauhimayut) uvani nunap iluani havaangit imaiyaqhimayauyut imalgit.



Ikirahat himiktauniaqtut anngutikhat inuubluuniit itirnaittut. Nappaqhimayut tunngavikhat qaqaqtauvlutik humilikaak unguvalaiyarvikhangit uuminngaluuniit igittukhat. Halumaittut marlut unalu igihimayut uyarak igitauniaqtut iluani angmaumayumik nappaqhimayut tunngavikhat. Una atauttimuqhimayut ilagiyangit angmaumayuyq haffumani nunap iluani igihimayuyut haffumani Uataani Kigliliuqhimayuyq uyaraqqaanit unguvaiyuyut, una agyaqtuiyut ikaarvik, halumayumik anuri puqtuhiyuyq unalu qingak puqthimayuyq atauttimut qaffiuyungnaqhiyuyq haffumani 75,066 m³ haffumani nunap iluani tutquumavinga ilagiyangit. Nappaqhimayut tunngavikhat iliuraihunnguyut uyarnit uvannga 1.5 m qulaanngat himmauhikhangit, qavyaqauniaqhuni ukunanngat 1.0 m marlungnut hiurannut.

Una Lupin Uyaraqtarvik hanahimayangillu ikaarvikhaq, tadjia ihuaqhaqtauhimayuyq marlungnit uyarniglu mihikhimayuyq kiiliqhimavlunilu talungnut iliuraqhimayuyq ikaaqtailihimayuyq atuqhimayumik ilangani munariyuyuyq ihuaqhaqtauhimayurlu.

b. Hitit unalu Uyarait –

Una hiurat marluillu atuqtauvaktut apqutikhat imarnut nutqarvikhaliuqtut uuminngalu pulahimayangit una TCA ilauruhingit 1995 ngutillugu nalvaaqtauvaktut hamannat Fingers Tahiq hiurangit. Una Fingers Tahiq hiurangit huli pulavikhauniaqhuni haffumani amiakkungit TCA ilauruhingit aturniaqhugit himmauhikhainit haffumani aallat ilainnaat haffumani Lupin Uyaraqtarvik tukiqaqhuni uvani ilangani 4.0. Uvani umigutaanut pilimmakhainimut, una Finger Tahiq hiurangit ilinganiaqtuq unalu hiuraq atuqtauniaqtuq uvani halvaqtailinahuarlugit hapumminahuarlugit qurluqtailinahuarlugit ikaarningit.

Una malruk atuqhimayuyut imnat uyaraqtarviyuyut; atauhiq iluaniittumi TCA maniraa unalu aahiit hanianiittuq Fingers Tahiq hiuraa, mikiyut aturuiqhimayumi unalu atulimaiqtangit kinguani uvani umigutaanit pilimmakhainimut.

c. Aturnaittut Uyarak –

Aturnaittut uyarak atuqtauvakkaluaqtut tamainnut Havagvianut hiamittailidjutikhaa, apqutuliurvikhaq, imaq nutqarvikhaliurvik, milvik ihuaqutikhaq, nunap ataani iliuraivikhaq, unalu tulagvik maniraa uuminngaluuniit aallat ihuaqutikhangit iglu tunngavikhangit upalungaiyautingit. Hamna kangiqhidjutainnaa haffumani aturnaittut uyarak qulaanit hamnauyuyq 1,000,000 m³. Uyaraqtarvik auladjutingit aulapkaqhimaattut hunanik uyarat iliuraihimayut haffumani ihumaalungnaqtut uuminngaluuniit hanayauhimaattut aturnanngittut uyarak.

Nalunaiyainiq uumani nunat avataita ilitquhiita haffumani aturnaittut uyarak ilaliutauhimayuyq uvani ilangani **Error! Reference source not found.** Avatiliqinimut havagvia ihivirniikhainut uvani 2006 mi unalu 2017 milu naunaiyaqhimayuyq hamna 67% haffumani aturnaittut uyarak naunaiyailaqtut haffumani Hivuuranahimalaqtut Auladjutaulaqtut (PAG) unalu PAG aadjiliugait tuniyauhimayut tamainnut havagvianit. Taimaattaq, hamna naunaitturlu haffumani ihuarnaqtumik haffumani aturnaittut uyarak nailinahuarlugit turaarvikhaq ukunanngat aturnaittut uyarak unalu qaanganiittut imaq.



Uvani umigutaanit pilimmakhainiq, aturnaittuq uyarak ilaliutitgit puqtuhimayumik aallatqit As nit, CN, uuminngaluuniit $PbNO_3$ igiyauniaqtut haffumani angmaumayumik ikaarvit uuminngaluuniit nappaqhimayut tunngavikhat. Aturnaittuq uyarak hamannat kiglingat init igiyauniaqtut uvanngat ikaarvit uuminngaluuniit angmaumayut nappaqhimayut tunngavikhat, iluani nunap iliuraqhimayut, uuminngaluuniit atauttimuqhimaniaqtut qitqaniittut aturnaittuq uyarak hinaani. Una aturnaittuq uyarak alayuiittut qulaaniittut ilinganiaqtut uvunga qurluaqhimayut imaq qavyaqauniaqhuniilu ukunanngat 1.0 m hiurainnalingnit.

d. Imaiayarvikhaq Ilaliutikhangit Iningit –

Uvani tukiqaqtuq Ilanganit **Error! Reference source not found.** unalu **Error! Reference source not found.**, una kuvvingit hamannat Lupin haulvingit unalu uyarak havaangit igiyauhimayut iluani qaffiuyut ilaurutit iluani Lupin TCA. Ilagiyangit ukunanngat angiqtaaqhimayumik TCA 2004 Iniqpiaqhimayumik Ikhinnainnaqtangit unalu Utigtiffaarnikhanut Upalungaiyaut (Iniqpiaqhimayut TCA ARP) (Kinross 2005), atuqtakhaat kinguani haffumani 2017 hanayauvikhanut ukianga, una 1.0 m hiurangit pulahimatngit iniqhimayauyuq uvunga 1,311,500 m² yungnaqhiyuq haffumani hiamihimayumik uyaraqtarvihimayut. Uvani kinguani haffumani 2017 mi, aulanngitunghaqhiyauyuq 123,500 m² hiamihimayumik uyaraqtarvihimayut uvani Havagvik 5 unalu 86,000 m² iluani Havagvik 3. LMI ihumagiyaayut iniqtakhaat himmauhikhangit haffumani pulahimayangit nunguani auyaq haffumani 2019 mi ilagiyangit haffumani angiqtaaqhimayumik Munariyaayut Ihuaqhaiyakhaat hulidjuhiit.

Una uyaraqtarvik aturnaittuq tuqhuangit unguvaqauniaqtuq piruyaulunilu nunap hauvingmi. Una havagvia uyaraqtarvik ahiruqtauluni amiakkungit igiyaulunilu iluani nunap hauvingmi. Aturaarluni munaqhilugit ingilrutikhangit iliurainiaqtuq munaqhiiraariangani haffumani havagvia qanurilinganingit.

Uvani imugutaanit pilimmakhainirnut, una imaq ihivriuhimayangit iluani TCA tahirat ihuaqauniaqtut ukuninngat laim turaaqhimalugillu naitqiyaaanit tahiraq imaq aallatqit. Aturaarluni umigutaanit kuvivviit hanayauniaqtut uvani Imaiayarvik 1A unalu J Imaiayarvik ilirailugulu kiluariipkutikhat unalu hiamittailipkut. Hamna kuvilaiyarvit hiamitkumik tahirat imaukkagumik, una kuvilaiyarvit pulahimaniaqtut uvanngat 1.0 m hiurarnit ahinunngauniarumigluuniit pulahimayumi maniraa.

e. Hauvikhaqarvik –

Tamaat ilaurutihimayut atuqhimayut aulapkaivlutik iluani Hauvikhaqarvingmi, kihinnua laim, agyaqtauhunnguyut ahinut havagvianit atuqhimayangit munaqhiyangit ihuaqhaiyangillu ilagiyangit. Una hauvik iniqpiaqhimayumik uaqhimayauyuq ihumagivlugit kulunik illituqhaivlutik (tautunghaqtumik kulu iniqhimayumik iluani hauvikhami) amiakkungillu ilaliutait (ilaurutikhamik atuqhutik) ahivaqtauhimayut uvunga kuvilaiyarvingmi hiamittailidjutaanit munariyautinnagu ilangani.

Hauvik iglut unguvaqauniaqtut, ahiqua igiyauluni uvani angmaumayumi nappaqhimayut tunngavikhat uvaniluuniit nunap iluani. Amiakkungit maniliurnaqtut aturlugit atauttimuurlugit agyaqtaulutik ahinut. Aallat naptuhimalgit tunngavingit hiqubluqtaulutik, hiamihimaittumik pulahimalutik ukunanngat 0.3 m hiurarnik illirihimayut. Hunat hivuuranaqtut asipiituut ilaliutitgit qayangnaqtumik igiyauhunnguyut nuna iliuraivianni.



f. Nunat iliraqhimayut (t) unalu Aallat Aturnaittut Iqqaqhimayut –

Aturnaittut munariviit atuqtauvaktut uvani Havagvik hapkuanguyut: ikulaqarvik, atukhaalaittuq "hauniviinnat" (unguvaqtauhimayut uqhuryuaqarvit, iglut, ingniqutiillu), hamna hivuuranangittut iqqakuut iliraihimayut, nunat hiurahiurvit, malruk ikulaqarvik (ukiunnguraangat tukhiutigiyangit uvunga DIAND unlu kiugiaqaqtangit angmaumayut ikulahimayut) iqqakuut uqhuryuaqarvit tutquumavik. Iqqakuut igiyakhaunngittut iluani munariyakhanut havagvianit kihimi ihuaqhiyariiqut ahivaqhugit, tutquqhugit taimaa hiamittailivlugit anngutikhanut aktulaittangit qakugu agyaqtaugiami uvunga ahiagut ilaudjutilingnut iqqakuurvingmi uvunga Yalunai, NWT mi.

Atuffaarnaqtut ilulikhat, hapkuanguyut niqit niuqqarnaqtut ilulikhat, ihuaqhiyariiqhimaniaqtut agyaqtaulutik ahinut havagviangunngittumi munarinahuarlutik ukunanngat ahiagut ilaudjutilingnut iqqakuurvik.

Tamaat hivuuranangittut iqqakuut igiyauniaqtut uvani atuqpagaat iqqakuut nunami, ilagivluniuk aryat unguvalaaqtut ikulalaaqtumi hauhimayut. Aturnaittut uyarak atuqtauniaqtut ilirailugit aturnangittut aulapkailugillu nakuuqpiiaqtumik ilingayut qaanganiittut qurlualaaqtut ayurnaittumik. Tamaat hivuuranangittut unalu -ikulalaittut iqqakuut (atuyuitut havigalik, palaatsiit, aryat ikulahimayumik) igiyauvaktut nunami kuvvirmi piruyauniaqhutik uuminngat uyaqqat aturnaittut qautamaat. Una iqqakuut iluani kuvvirmi piruhimainnamiaqtut aturaangamitku.

Tamaat hivuuraanaqtut hunavaluit igiyakhaunngittut iluani nuna kuvvirmi, tahapkuat minguit, huangaiyaut, halummaqutiit, hivuuraanaqtut tuqunnaqtut unalu ikkikhautit ihuaqhaiyariiqhimaniaqtut ihuaqhaivingmi taimaa agyaqtauniaqtut iqqaqtaugiami.

Uyaraqtarvik tadjat atuinnaqpagaat mikiyumik iqqakuurvik haniliriiqtumik Ataani Anaqtautiqarvingmi. Una puuqhiyariiqhimayut ilulingit ahiqqungit (hivuuranangittut, aturuiqhimayut hunavaluit) aulapkaishimayukhat umigutikhaanut hulidjuhiit, unguvaqhugit ahiruhugillu tamaita iglut, ilaliutingit igiyakhait, uqhuryuaqarvit, tuqhuallu, taimaittumik kangiqhimayungnaqhiyuq 55,290 kikkariktut miitastigut. Nutqarahuaqhugit kitiitirahuaqhugit angmaumayut, iqqakuut igihimayut maligiaqaqhugit kangiqhiyauhimayut 20,000 kikkariktut miitastigut hunavaluit tutquqhimayangit qaanganit uyaraqtarviup tulagvinga. Hivuuranangittumik iqqakuut igiyauniaqtut haffumani kuvvingit.

Hivumuututugiyangit nailinahuarlugit ahiqqut igiyakhat uvunga mikitqiyaanit naammagiyaayut maniraa taimaa atulaaqtangit kangiqhiyauhimayut qaffiuningit, taimaa ihuuluutaunngittunilu aktuqhimaittut maniraanit, una nutaaq kuvvingit (Ahiqqut Kuvvirmi) tukhiutauhimayut hanayauniaqhuni iluani uataanit kinguani haffumani Qulaaniitumik Anarvik. Una havagvia huqpaniittut ilitquhianit tahiraq, angmaumayut, ayurnaittumik munariyaulaaqtuq.

Ikayuutikhaq Igluqpaqarvikhallurutikhaq –

i. Itiqtirvikhat

Itiqtirvikhat unguvaqtauniaqtut, ahiqqut igiyauniaqtut kuvvirmi.



ii. Halumayut Imaqarvik

Una halumayut imaq haffumani havagvingmi imiqtaqpaktut Tahiryuarmi 1.5 km ungahigunnaqhiyuq havagvingmit. Hamna tulagvia/ikaarvik tahiyaaqtyq taununga tahimut ikayuutauvakhuni imiqtarvik iglua unalu tulagvikhaqarvit.

Una halumayuq imaq imiqtarvik ahivaqtauhimayut uvani 2006 mi; munariyauvakhuni ihuaqhiyauvakhuni maligiaqaqhutik. Tadj, halumayuq imaq akhaluutikkut agyaqtauvaktut ikaarvingmit Tahiryuarmi imaqarvingmi uvani itiqirvikhanmit. Imiqtarvik unguvaqtauniaqtuq iniqpiaqhimayumi umigutaanit; kihiani hamna imaup talua aulalimaittuq hivuani atuqtakhaat.

iii. Ilaurutinut Aasinik Halummarvik

Ilaurutiqaarvik, una havigalik avataa/havik iglu, nayugaa uvaniittuq TCA ukunani Tahirat 1 unalu 2, hivuraanit kinguani haffumani J-Imaiyarvik. Atuqhimagaluaqtangit akuvakhugu ilaurutiqaqtut ilavikhangit (virriit selfait unalu laim) imap halummaqtikhat auladjutaanit uvani 1990 mi atulihaaqhimayut aturuiqhimavlutik uvani 1996 mi. Ilaurutiqaarvik ilainnaa ahivaqtauhimayuq. Tamaita amiakkungit ilaliutit milukaqtauhimayut atuqtaaqhimavlutik. Tutquumavik unguvaqtauniaqtuq ahiqqungillu igiyauniaqtut iluani iqqakuurvingmi.

iv. Qagalaaqtut Tutquumavingit

Una qagalaaqtut tutquumavingit nayugaat uvaniittuq ungahingnilik 2 km uataa haffumani TCA ilaliutihimayurlu 2 havigalik-avataa/havigalik iglu haffumani hivuuranaqtut Amuunian Naitulait/Uqhuryuat (ANFO) tutquumavik, unalu pitquhituqangit amihuuyut Taryuq - Qattaryut tutquumavikhat qiyut iluliquaqtut unalu aallat qagalaarnaqtut. Tadj qagalaaqtuittuq havagviannit unalu Taryukkut -Qattaryut uvani qagalaaqtumik ilulingni. Una tutquumavik atuqtaullagahuaqtut qaaqtuinirnut haffumani Uataa Kiglinga nappaqhimayut tunngavingit ahivaqtauniaqhunilu ahiqqungillu igiyauhunnguyut iluani iqqakuurvingmi.

v. Apqutit unalu Milviillu

Apqutit ikaarvit apqutiliuqpaktut ilainnaa ukuninngat uyaraqtarvik pivalliyukhaq atumanngittut uyarak. Apqutit ihuaqhaqtauhunnguyut umigutaanut (kipiktauluni unalu ihuaqhariqhimavlutik, avikhimaniaqtangit ukunani ikaarvit apqutit unalu unguvaqhimaniaqtangit qurluarviit).

Una utuqqak milvik atuqtauhimagaluaqtut havakhugit atuqtauniaqtuq tutquurvikhangit kinguani hamna nutaq milvik havaktaulihaarumi. Una maniraa kayumiittumik ilagiyauhimagaluaqtuq tutquumavikhat nayugaa unalu, uvani 1998 mi, hiuraa/uyaraliat tatahimayuq ihuaqtauhimavluni malikhugit pitquhingit nuna maniraa avikhimayut unalu halvaqhiyangillu aturnaqtuq humiliqaak pigiaqaqhuni pitquhingit imaiyaqhimayuq unalu halvaqtaillinahuaqhugit nunamit. Una qaanganiittuq unguvaqtauhimayuq atuqhugit hiuraliqiyin unguvaqhugit ilaliutihimayut.



Una milvingat 1,950 m (6400 itigaitigut) tahiniagut havaktauhimavluni hiqvuquhugit uyarak aturnaittuq pivalliahimavluni nuna iluani. Una imaiyarvik uvani ininganit ihuaqhiyauhimayuq naittumik nalariiqhimayuq; kihimi tamaat qurluarningit hamannat tamarmik kivataanit uataanillu haniraanit haffumani unguvaqtauhimayuq tununnganit qaihimayuq, uvunngauluni Tahiryuarmi. Una milvik uqhuryuaqarvik ahivaqtauhimayuq unalu uqhuryualiqiyuq maniraa himmauhiqtaaqhimayuq. Una milvik aulalimaittuq kitunuliqaak aturumagumiuk hamna umiktaaqhimayumi.

vi. Anaqtaut unalu Iqqakuutiqravit

Una anaqtautiqravit ilaliutihimayuq haffumani amihut qangattaqravit iluani nayugaanit unalu 800 m tahinia unalu 6 nit kaimmaluriktumik havigalingmit iluliqaqtut tuqhuaniit hivunngani haffumani malruk anaqtautiqravit tahiit. Kihiani, hamna, Munaqhiyangit Ihuaqhaiyangillu, nayurvingit iningit maliktakhat auladjutaanit atuqpagaat; anarvit unalu halumaittut imat kititiqtauhimayut anaqtarvingmi uvani itiqtirvingmi iglut. Una ilulingit agyaqtaugaangat uvunga Qulaanngat Anaqtarvik Tahia taimaa iqqakuut igiyauhimayut. Anarvik ikaarningit turaaqtaugumi itiqtirvik anarvik uvunga Qulaanngat Anaqtarvik Tahia atuqtaulaqtut.

Halumaittuq imaq pitquhriyangit hamannat qiyulingnit igluqpangmi (pulaaqtut iglungit uuminngaluuniit havagvia igluqpaqarvik uuminngaluuniit atannguya'p iglua) aturnaqtut igiyaulaqtut qaliriiqhimayumi qurluqhimayuq hauvik. Tamaat anarvit unguvaqtauniaqtuq uvunga Anaqtarvik Tahit Iqqakuurvit.

Una 'kinilaiyarvik' uuminngat qurluiyarvinga ukunanngat qilanaaqtumik qurluarnirumi unalu imaiyarvingit aturnaqtuq ukunanngat hivunngani tugliriyangillu tahi. Unguvaqhimayuq hamannat tuglianit tahi munariyauhimayuq ukunanngat atuqpagaat imaiyarvingit. Imaq kititiqhimayut uvani Ataaniittut Anarvik Tahiq ihivriuqtauvakhuni ahivaqtautinnagut avatingnut. Unguvaqhimayuyut tukiqaqhutik iluani Kuvilaqaqtumik Iqqaqhimayut Munariyakhat Upalungaiyaut.

Haffumani umigutaanit, una qulaanit ataanillu qurluiyarvit ahiruqhimaniaqtuq unalu ahiquit qaliriiqhimaniaqtut unalu kinittailidjutiqravuni. Kuudjangayuq haffumani kuvliyarvingit turaaqhimayukhaq taimaa mikiyuq ihit tahi aulalaittuq uvani atuqhimagaluaqtangit Qulaanngat Anarvik Tahiq nailinahuaqhugu agyaqtauhimayut haffuminngat nutqaqtauhimayut naptuyut. Pitquhriyangit nauttiffaarnaqtuq haffumani anaqtautit tahiit atulaqtangit. Aallat anaqtarvit ahivaqtauniaqtut unguvaqtaulunilu umigutaanit.

vii. Uyaraqtarvik Tulagvinga Tuqhuqarvinga

Una uyaraqtarvik tulagvingit halummaqtavaktut halumayumik imarmi taimaa ilainnaa ahivaqtauvaktut, aulahimaitturlu. Umigutikhanut, hamna tuqhuryuangit igiyauniaqtuq haffumani kuvirmi. Una uyaraqtarvik tulagvinga tunngavinga taimaa aulalimaittuq kihimi haffumani iningit humiliqaak imaiyaqpaktut munariyauniaqtut ukunanngat imaiyarvingmit. Una ahivaiyaqpaktut haffuminngat imaiyarvikhat unalu qurluaraangat haffumani



angmaumayut taimaa halvattiaquuyuitut hamnaluk nakuuyumik imaiyaqpakhuni naammakpiaqtumik. Aallat iningit imaq qurluaqhimayut uvunga uyaraqtarvik tulagvinga kititiqpaktuq upinngaami aukturaangat angmaqhvaktuq taimaa imaiyarluaqpakhuni. Una munariyaayut haffumani PAG ilulikhat iluani uyaraqtarvik tulagvit tunngavikhaa unalu puqtuhimayuk havikhaliqarvit uvani qaliriqhimayut marlut uvani tukiaqahuni uvani ilangani

Error! Reference source not found..

viii. Uqhuryuanut Tutquumavik

Una uqhuryuaqarvit uvani Lupin mi ilaliutiyangit uqhuryuaqarvinga (ilaliutigiyangit haffuminngat 14 nit kaasiliqarvit, 1 tingmianut uqhukhaat A uqhuryuaqarvik unalu 9 avaliqanngittut uqhuryuaqarviit), unalu alruyauktukkut uqhuryuaqarvik (STF) (ilaliutigiyangit 10 nit tingmianut uqhuryuaqarviy unalu 2 kaasiliqarvit unalu 2 aturuiqhimayangit uqhuryuaqarvit). Ilagiyangit, 5 nit ikkikhautiqarvikhat havagvianmi unalu aallatqit avaliqanngittut uqhuryuaqarvit. Kinilaitkutit atuqtauvaktut munariyakhat ihuaqtukhat.

Uvani kinguani haffumani 2017 mi, ihivriuihivakhutik haffumani uqhuryuaqarvit tutquumavikhat havagvianit ihivriutauhimavlunilu ilittuqtauhimayuk aturnaahuni. Tamainnaunngittuq hamna uqhuryuangit atuqtaulaqtuq munaqhiivlutik hamna umigutaanit maliktangit; uqhuryuat huli aulanngittut umigumi iniqpiaqhimayuk ikulaniaqtuq nayugaanit. Kinguani uqhuryuaqarvit imaiyaqhimagumik imairniaqtangit malikhugit maliguarutingit aviktauniaqtut igiyaulunilu iluani kuvvirmi.

Uvani 2014 mi piruqhimayuk tuqhuat unguvaqtauniaqtut ukunanngat uqhuryuaqarvik unalu alruyaqtuittuq uqhuryuaqarvik. Uqhuryuat aulanngittut iluani alruyauktukkut uqhuryuaqarvik atuqtaaqhimayut uvani 2015 mi. Uvani 2017 mi, ilainnaa (500 m³ pingahuaqtqhimayungnaqhivuq) haffuminngat uqhuryuat halumaittut marlut ilaliutigiyangit ukuninngat STF unguvaqtauvlutik nuuhimavlutik nuna maniraanit nauffaariami. Munaritaarumik, una halummaqhimayut marluit atuqtauniaqtut maniraq ilitturvikhaanit. Upalungaiyriqhimayuk hamna amiakkungit ilagiyangit haffumani halumaittut marluit nuuhimaniaqtut uvunga nuna iluani nayugaanit iqqagianganit, hamnaluk uqhuryuaqarvit halummaqtauniaqtut, agyaqtaulutiglu hauniqarvit havagainnaat uvani 2018 mi tiguinnarialik uuminngaluuniit iqqaqtauyut kuvvirmi.

Una nutaannguqhimayuk ilainnaa 1 unalu 2 Avatiliqinimut Havagvia Ihivriumnikkut turaaqhimayaayut uvani 2017 mi naunaiqhiivluni tamatkiumayuk haffumani 34,700 m³ haffumani kaasiliit ilaurutik halumaittut (PHC) marluit takunnaqtut amihiiyut nayugaanit havagvingmi. Una PHC marluit halummaqtaulaqtut igiyaulutiglu iluani nunap uyaraqtarvik havaangit.

ix. Ilaurutikhat Tutquumavik

Auladjutaanit haffumani uyaraqtarvik nalunaiqhiivlutik haffuminngat hivuuranagtumik ilaurutikhat ilaliutihimayuk: saivinai, laim, liit, naituvait, sink ihiit, falaakulait, unalu faivik ilaurutit hivituyumik qaffiuningit quyaginnarniglu mikiyunnuit hiurait ikitqiyaanit qaffiuningit. Haffumani ilaurutingit titiraqhimayut, unainnaq laim uvaniittuq havagvianit nayugaanit munaqhiivlutik ihuaqhaivlutik.



Uvani umigutaanit pilimmakhainikkut, amiakkungit minguit, halummaqhiit, ilaurutit hivuuranaqtut, ikkikhautit unalu hivuuranaqtuqaqtut qattaryunit iliyauniaqtut agyaqtaulutiglu ahinut iqqaqtaugiami; atunngittut uqhuryuaq ikulahunnguyut ingnirvingmi; uqhuryuat atuqtauniaqtut igiyaulutiglu malikhimalugit ukuninngat Kaniitian Avatiliqinimut Hapummivingit Maligaaq Maliguarutingit; imalik ilaurutit halumaittut marluit piruyauniaqtut nuna iluani havaangit (haffuminngatut ikaarvingit uuminngaluuniit angmaumayut tunngavingit pittailinahuaqtangit); marluit tadsa nunaqarvik halummaqtaulutik atuffaariangani ihuaqhaiffaariangani. Imalgit imaiyaqhimayut hamanngat havagvianit ingilrutingit ikulahimaniaqtut angiriqhimayumi uuminngaluuniit agyaqtaulunilu havagvingmiunngittumik iqqaqtukhat.

- 6) **Aturaaqtakhat Uqauhinga Nunalingni Ukpiruhuutait** – tamainnut utiffaarhuaqtakhat piliriangit, LMI huli nalunaiyaqtukhat niplautigilugillu ihumagiyaayut ilitturvikhat ikayurnaqtut ukiuqtaqtumi nunaliit ilaliutihimayangit: iqqaqtauhimayut ikayuut; havaatigut akilirihimayut havaakhanullu. LMI pilihaaqhimayut nunalik ilaliutihimayut uvani 2011 mi ukunani Qitirmiut Inuit Katudjiqatigiit. Katimayukhat uvani nunalingni kivgaqtiuyut ilauhimayunullu tukiqaqhutik ilaliutingit C haffumani FCRP.
- 7) **Iniqpiaqhimayumik-Umiktukhaq Kamagittiaqtangit unalu Munariyangit** – LMI ilaliutiginaqtangit hamna havaanut munariyangit ikayuqatigiiktut munariyakhaat tamaat ihuaqhautikhanut hulidjuhiit. Uvani iniqhimayut haffumani havangnaqtut ihuaqhaudjutikhat, iniqpiaqhimayumik-umiktukhaq kamagittiaqtangit haffumani havagvianit munariyauniaqtut ungahiktumik ukunannga Discovery Uyaraqtarviuyut Ikayuutikhat (DMS) havagviat uvanngat Yalunai, Nunatsiaq ilaliutihimayangit inikhaanut munariyauhimayut ukunanngat LMI unalu DMS uvanngat Munarivlugit Ihuaqhaivlutik Ilangani. Una Iniqpiaqhimayut-umiktukhaq munariyangit haffumni nayugaanit pinahuaqtangit ilittuqhiilugillu nunaryuatigut pigiaqaqtut haffumani hilataanit hakugingnia, hilap pinniningit atumailaurutikhaq hakugingnia, unalu hivunikhaut atutkahnait unalu umigutaanit. Una Iniqpiaqhimayut-umiktukhaq Munariyangit upalungaiyut pivalliahimayut ilaliutihimayangillu uvani FCRP (turaaqhimalgut uvani Ilangani 5.0). Kangiqhimayuyut hamna upautingit munaqhainimut pigiaqaqtut haffumani 2.5 ukiunganit unalu atumaittut munaqhiyangit kangiqhiyauhimayut 5 ukiunganit malikhugit iniqhimayumik haffumani utiqiffaaqtukhat havaaq, unalu nunaryuatigut hivunikhait haffumani uyaraqtarvik nayugaat angiqhimayukhaq.
- 8) **Pilimmakharniq** – Ihuaqhaqtauniaqtut haffumani Lupin Uyaraqtarvik nayugaa, tiliuqhimayut iluani upalungaiyaunmi, kiugiaqaqhuni angiqhimayuyut malikhugit uvunga *Nunavut Havaariyakhat unalu Upalungaiyut Ihivriurnikkut Maligaaq unalu Nunavut Imat unalu Nunavut Nunat Qaanganit Piyunnautingit Ihuaqhaiyit Maligaaq*. Kangiqhihimayuyut hamna FCRP turaaqhimayuyukhaq uvunga Nunavut Imaligiyyit Katimayit uvani Taaqhivalirvia 2018 mi, ilagiyaayut haffumani imaq laisingit tukhiutigiyangit.

Tamainnut haffumani laisiliqinimut qimilruqhugit, una LMI pinahuaqtangit katimadjutiqtattainnarlugit haffumani FCRP. Qimilrumingit ukunanngat katimayit unalu maliguarutingit ilauhimayunut ihuariqhimayumik maligautikhaarlutik haffumani kitunuliqaak katimadjutauvakhuni.

Kihiani hamna malikhimayakhat haffumani laisiliqinimut piliriakhat ukunanngat kinguani ihumagiyaakhaat katimayiit unalu auladjutigiyangit ilauhimayunut, kangiqhiyayut pivallianingit 10 nit tatqiqhiutigut ublunganit tunihimayangit uvunga maliguarutinut ilauhimayunut.



Angiqatigiikhimayut ukuninngat maliguarutinut qimilruqtangit, una LMI huli pilimmakhainahuaqtangit haffumani angiqtaaahimayut haffumani iniqpiaahimayuq umigutaanit haffumani TCA nit ihuaqhihimmaarlugit maligautaanit ikayuqhugit tamatkiumayumik ihuaqhautikhat.

Malikhugit atuqtakhait ilaliutigiyangit uvani Upalungaiyaunmi, LMI ihumagiyangit pilimmakhaigianganit haffumani angiqtauhimayuq utiffaarningit hulidjuhiit uvani 2018 mi tukhiutigiyangillu iniqtakhaat atuqhimagit utiqtiffaarningit haffumani tamainnut hivituyut qulaanit igluqpaqarvikhaliurutikhat uvani 2.5 ukiunganit uvani aturuiqhimagikum umigutaanit iningit munaqhaiyangit pigiaqaqhuni haffumani ilagiyauyut 5 ukiunganit.

